

«Եւ գհայրն ասեմ տասն յորելեանին»	} — 1000
«Պարմանազան կրկնապատկին».	
«Եղև շինումն զանգահատան և	1240
«Իւր գաւթին»,	
«Բոլոր խցից չորեքհուսին	
«Որ և ձեռամբ ձայնեղ դիտին	
«Տ. Օհաննէս վարդապետին:	

Ծանօթ. — Ըստ վերոգրեալ յիշատակագրի զանգատունք շինուած է 1240 տումարական թուականին հայոց, որ ցայժմ (1909) կրնէ 118 տարի:

**Տարօնցի**

9 Սեպտեմբեր | 909 ս. Առաքեալ

— — — — —

## Ա Յ Լ Ե Ի Ա Յ Լ Ք

— — — — —

Հաբեցնելի նիս ու կացից.— Հարէշների կամ եթովպացիների թէ կրօնական ծիսակատարութեան և թէ առօրեայ նիստ ու կացի մէջ կան մեղ համար տարօրինակ առանձնայատկութիւններ: Անհետաքրքիր չի լինի թուել վերջիններից մի քանիսը: Նիգուսի կամ թագաւորի գահի պատուանդանի առաջ դրուած է լինում վագրի խրտուիլակ՝ նստած դիրքով. բացի սովորական սպառազինութիւններից գահի երկու կողմը կանգնած թիկնապահներից երկուսի ձեռին լինում է մաղէ ճանճաքշիկ, և նրանց պարտականութիւնն է ճանճերը քշել, որոնց անհամար բազմութիւնը մեծ ճանճրոյթ է պատճառում հարէշստանցիներին: Նոյնպիսի ճանճաքշիկներ ունին և քահանաները խաչի և աւետարանի վրայ նստած ճանճերը քշելու համար, որոնք նրանց կարծիքով պղծում են այդ սրբութիւնները:

Շատ պարզ են նրանց բնակարանները, ծածկը կազմուած է ձողերի վրայ հիւսած կաշա խոտից՝ թեք ձևով դասաւորուած, պատերի ուղղութեամբ տնկուած սիւնների վրայ, այդ բնակարանները մեծ մասամբ պատեր չեն ունենում և քիչ նման են լեռնաբնակների վրաններին. սեան կամ պատերի վրայ ի միջի այլոց կախուած են լինում հոտաւէտ իւղով լի կլոր ամաններ, այդ իւղով նրանք այնքան օծում են իրանց մաղերը, որ մինչև

անդամ յաճախ կաթիլթում է հագուստի վրայ: Քնելիս նրանք գլուխները դնում են կիսաշրջանաձև փոս ունեցող փայտէ բարձի վրայ, որպէս զի իւրով օժած մազերը չկեղտոտուին և հուսը չքանդուի: Տան տէրը հիւրին ընդունում է բարձր տեղում նստած, իսկ հիւրը նստում է գորգով ծածկուած յատակի վրայ: Պաշտօնականները հանդիսաւոր ընդունելութիւնների ժամանակ ունեւրին գցում են առիւծի, վագրի, ոչխարի մորթի կամ գազանի մորթու ձևով պատրաստուած մետաքսէ գործուածքներ:

Զբօսանք կրիայի վրայ.— Համբուրգում՝ Գագենբիկի հրաշալի կենդանաբանական պարտիզում կան ահագին կրիաներ, որոնց վրայ երեխաները նստում կամ կանգնում և քշում են: Իւրաքանչիւրի ձեռին մի ձիպոտ կայ, որի ծայրին կապած է մի փունջ սալար. երեխան այդ սպահում է կրիայի քթի առաջ, սա կարելի եղածին չափ արագ է գնում, որպէս զի ձեռք բերի իւր սիրելի կերակուրը: Կազմակերպում էն կրիաների արշաւ, ուր մրցանակն ստանում են այն երեխաները, որոնք իրանց «ձին» լաւ են կառավարում, մի բան, որ այնքան էլ հեշտ չէ: Այս մանկական դուարձալիքն անգլիացիք նորերս սկսեցին շահագործել Լոնդոնում, ձիշտ է, այստեղ չկան արշաւի համար կենդանի կրիաներ, այլ՝ արուեստական, բայց և այնպէս դոցանով արշաւել ցանկացողները չափազանց շատ են: Այդ արշաւը կազմում է այսպէս. տափարակ ասպարիզի յատակի վրայ շարժում են երկաթից շինած կրիաներ: Արշաւողը կանգնում է կրիայի մէջքի վրայ՝ ձեռին բռնած երկու երասանակ. անհնար է գուշակել կրիայի շարժուելու ուղղութիւնը և դժուար է կանգնել նրա սահուն մէջքի վրայ, ուստի և միշտ ընկնելու դուարձալի դէպքեր են պատահում, որոնք ընդհանուր քրքիջ և ուրախութիւն են առաջ բերում:

Ամերիկական լրագրերի անուր.— Ամերիկական լրագրերից մէկը մի յօդուած է տպել ամերիկական լրագրների աճման ու զարգացման մասին: Հաւաքած վիճակագրական տեղեկութիւններն սկսում են 1810 թուից: Այդ ժամանակ Միացեալ Նահանգներում հրատարակուել է 336 թերթ, որոնցից 25-ը ամենօրեայ, 36 երկշաբաթաթերթ, իսկ 305-ը շաբաթաթերթ: Ռուսական ամսաթերթերի պէս ամսաթերթեր այնտեղ բնաւ

գոյութիւն շունէին: Վերջին վիճակագրական տեղեկութիւնները վերաբերում են 1907 թուին. բոլոր պարբերական հրատարակութիւնների թիւն է 21535, որոնցից միայն 2415-ը օրաթերթ են, իսկ մնացածները շաբաթաթերթ, ամսաթերթ և այլն: Այս բոլոր լրագրերի թէ՛ բաժանորդագնից և թէ՛ հատով վաճառումից գոյացած եկամուտն է մօտ 159,876,966 ռուբլի:

Ինքնավառ փարոս.—Երբ մօտ ժամանակներում Պետերբուրգում կայացաւ նաւագնացութեան միջազգային կոնգրեսը, այդ միջոցին կազմակերպուեց նաև այդ նիւթի վերաբերեալ ցուցահանգէս: Այդտեղ առաջին անգամ ցուցադրուեց ինքնավառ փարոսը, որ մթնելուն պէս ինքն իրեն սկսում է վառուել: Կոնգրեսի ժողովատեղիի շինութեան առաջ գրանուած հրապարակում կանգնեցրած էր փարոս-աշտարակը նոր գործիքով: Այդտեղ աշտարակի առաջ գեանի վրայ գտնուում էր փարոսի լապտերը շինուած կաթսայի երկաթից, որը մթնելուն պէս ինքն իրեն վառուում էր, լոյս էր տալիս ամբողջ դիշերը և լոյսը բացուելուն պէս մարում էր մինչև երեկոյ: Այդպիսի փարոսները մեծ գործնական նշանակութիւն ունին ծովի վրայ, որովհետև չեն պահանջում մշտական հոգատարութիւն և մի անգամ սարքուելով՝ շատ երկար ժամանակ են բանում: Լոյսն ստացում է այն պահեստից, որ լցուած է կարբիտով (ածխային դաղ) և բռնկւում է էլեքտրական ակիւմուլիատորի (էլեկտրականութեամբ լի գործիք) միջոցով: Ամբողջ գործիքն սկսում է բանել այս ձևով. ցերեկուայ լոյսն ազդում է մի ասակ քիմիական նիւթի վրայ, որը չի թողնում, որ կարբիտը պահեստից լցուի փարոսի վառարանը, ուստի և փարոսի լապտերը ցերեկը հանգչում է. իսկ երբ մթնում է, լոյսի բացակայութեան պատճառով յիշեալ քիմիական նիւթը անգործութեան է մասնւում. մինչ այդ լապտերի պահեստից վառարանն է հոսում կարբիտը և էլեքտրականութեան ազդեցութեամբ բռնկւում է ու բոցավառուում:

Թարգ. Ս. Ա.